

JABATAN BENDAHARI

Ruj. Kami : UPSI/BEN/B/597(02)
Tarikh : **3 JULAI 2023**
14 ZULHIJAH 1444

Semua Ketua Pusat Tanggungjawab
Universiti Pendidikan Sultan Idris

YBhg. Dato'/Prof./Dr./Tuan/Puan,

PEKELILING BENDAHARI BIL.2/2023 – PERUBAHAN HAD NILAI PEROLEHAN SECARA SEBUT HARGA, HAD NILAI PEROLEHAN KERJA SECARA “REQUISITION”, ARAHAN PERUBAHAN KERJA BAGI KONTRAK YANG DIBUAT MELALUI LEMBAGA PEROLEHAN, PELAKSANAAN DAN PENGELUARAN INDEN KERJA

Dengan segala hormatnya perkara di atas adalah dirujuk.

2. Adalah dimaklumkan, Mesyuarat Lembaga Pengarah Universiti Bil.2/2023 pada 18 Mei 2023 telah bersetuju untuk meluluskan perubahan had nilai perolehan secara sebut harga, had nilai perolehan kerja secara “requisition”, arahan perubahan kerja bagi kontrak yang dibuat melalui lembaga perolehan, pelaksanaan dan pengeluaran inden kerja serta pindaan Peraturan Kewangan Dan Perakaunan UPSI selaras dengan pindaan Perbendaharaan Malaysia PK 2.1 - Perihal Umum Perolehan Kerajaan (**Lampiran 1**) & PK 4.1 - Pentadbiran Kontrak Dalam Perolehan Kerajaan Secara Am (**Lampiran 2**).

3. Untuk makluman YBhg. Dato'/Prof./Tuan/Puan, pindaan Perbendaharaan Malaysia tersebut melibatkan perkara seperti berikut:-

- 3.1 perubahan had nilai perolehan secara sebut harga (**RM50 Ribu sehingga RM500 ribu**),
- 3.2 had nilai perolehan kerja secara “requisition” (**RM1 hingga sehingga RM50 ribu**)
- 3.3 arahan perubahan kerja bagi kontrak yang dibuat melalui Lembaga Perolehan
- 3.4 pelaksanaan dan pengeluaran Inden Kerja

4. Selaras dengan pindaan tersebut, terdapat beberapa perubahan pada Bab 7 - Tatacara Perolehan Bekalan, Perkhidmatan dan Kerja dalam Peraturan Kewangan Dan Perakaunan UPSI (PKPU) seperti di **Lampiran 3**.

5. Bagi memudahkan rujukan semua PTj, dokumen-dokumen berkaitan pengurusan perolehan Universiti telah dikemaskini seperti berikut:-

- i) Peraturan Kewangan & Perakaunan UPSI (Bab 7 - Tatacara Perolehan Bekalan, Perkhidmatan dan Kerja) - **Lampiran 4**
- ii) Prosedur Perolehan (UPSI(ISO)/BEN/P02) - **Lampiran 5**

- iii) Garis Panduan Pengurusan Perolehan (UPSI(ISO)/BEN/P02/GP01) - **Lampiran 6**
- iv) Arahan Kerja Sebutharga Rasmi (UPSI(ISO)/BEN/P02/AK03) - **Lampiran 7**

Sehubungan itu, semua dokumen yang dinyatakan seperti di Perkara 5 di atas boleh diperolehi melalui laman web Jabatan Bendahari <http://bendahari.upsi.edu.my>.

6. Pemakaian pekeliling ini berkuatkuasa daripada tarikh kelulusan Lembaga Pengarah Universiti dan perlu dibaca bersama-sama dengan Perbendaharaan Malaysia PK 2.1 - Perihal Umum Perolehan Kerajaan & PK 4.1 - Pentadbiran Kontrak Dalam Perolehan Kerajaan Secara Am.

7. Kerjasama semua ketua PTj adalah dipohon untuk memaklumkan penguatkuasaan pekeliling ini kepada semua pegawai di bawah tanggungjawab masing-masing.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

“PENERAJU KEBITARAAN PENDIDIKAN”

Saya yang menjalankan amanah,


(HJ. MOHAMAD NAJIB BIN HJ. MOHAMED, C.A. (M), ASEAN CPA)
Bendahari

s.k : Yg. Bhg. Dato Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar & Alumni)

PK 2.1



KERAJAAN MALAYSIA

Perihal Umum

PERBENDAHARAAN MALAYSIA

PK 2.1 PERIHAL UMUM

1. Pendahuluan

- 1.1 Tatacara perolehan umum menerangkan peraturan am perolehan yang terpakai kepada semua kaedah perolehan yang berkaitan. Peraturan yang khusus bagi sesuatu kaedah perolehan akan dinyatakan di dalam pekeling yang berkaitan.
- 1.2 Agensi hendaklah mengambil perhatian terhadap semua proses perolehan termasuk pra-perolehan, semasa perolehan dan pasca perolehan di dalam pekeling ini bagi memastikan pelaksanaan perolehan dapat dilaksanakan dengan betul dan teratur.

2. Had nilai dan Kaedah Perolehan

- 2.1 Had nilai dan kaedah tatacara perolehan bekalan dan perkhidmatan di dalam pekeling yang berkuat kuasa adalah seperti berikut.

Kaedah Perolehan	Had Nilai
Pembelian Terus	Sehingga RM50 ribu
Sebut harga	Melebihi RM50 ribu sehingga RM500 ribu
Tender Terbuka	Melebihi RM500 ribu
Tender Terbuka Pra-Kelayakan	Melebihi RM500 ribu dan tertakluk kepada kriteria khusus
Tender Terbuka <i>Request for Proposal</i>	Melebihi RM500 ribu dan tertakluk kepada kriteria khusus
Rundingan Terus	Melebihi RM50 ribu dan tertakluk kepada kriteria khusus

- 2.2 Manakala had nilai dan kaedah tatacara perolehan kerja adalah seperti berikut:

Kaedah Perolehan	Had Nilai
Lantikan Terus	Sehingga RM50 ribu
<i>Requisition</i>	Sehingga RM50 ribu
Sebut harga	Melebihi RM50 ribu sehingga RM500 ribu
Tender Terbuka	Melebihi RM500 ribu
Tender Terbuka Pra-Kelayakan	Melebihi RM500 ribu dan tertakluk kepada kriteria khusus
Rundingan Terus	Melebihi RM50 ribu dan tertakluk kepada kriteria khusus